



Centar za zastupanje
građanskih interesa

Narativni izvještaj 2021

Centar za zastupanje građanskih interesa
Fondacija CPI

Pripremili: Tim Fondacije CPI

Sarajevo Januar 2022.

NAŠA VIZIJA

Vizija Fondacije CPI je Bosna i Hercegovina kao društvo informiranih, aktivnih građana sa transparentnim i odgovornim javnim sektorom.

NAŠA MISIJA

Naša misija je da prikupljamo, interpretiramo i činimo dostupnim verificirane podatke od javnog interesa, te suradnjom i kreativnim pristupom zagovaramo odgovorno društvo.


CPI je nevladina, neprofitna organizacija osnovana 2009. godine, koja se bavi prikupljanjem, analizom i objavljivanjem podataka od interesa za građane, te njihovom promocijom aktivno podržava izgradnju odgovornog društva. U tom smislu, u dosadašnjim aktivnostima CPI se najviše fokusirala na zagovaranje transparentnosti budžetskog procesa na svim nivoima vlasti u Bosni i Hercegovini kroz data mining, formiranje baza podataka, istraživanje bazirano na dokazima, zagovaranje po pitanju izmjena zakona o budžetima na svim nivoima te uvođenje budžeta za građane kao dokumenta bližem javnosti, pisanje analiza, preporuka i obuku dr. organizacija civilnog društva za apliciranje na budžetsko finansiranje.

Krajnji korisnici Fondacije CPI su općenito svi građani BiH s obzirom na činjenicu da se transparentnost budžetskog procesa tiče cjelokupne javnosti, ali i podgrupe kao što su, npr., mediji, svi nivoi vlasti u BiH, druga udruženja građana koja se zalažu za transparentnost javnog sektora, kao i ona specijalizirana za pojedine oblasti koje su predmet budžetskog finansiranja, itd. <https://www.cpi.ba/>

CPI 2020 godine stupa u privatno javno partnerstvo sa softverskom kompanijom 5 dimenzija i formira Digitalni dom kulture - DDK. DDK je zajednički neprofitni poduhvat softverske kompanije 5th Dimension iz Sarajeva sa 30 godina iskustva u razvoju poslovnih informatičkih rješenja i usluga, i fondacije CPI sa ciljem povećanja građanske uključenosti u demokratske procese, zagovaranje javnih interesa, edukaciju i osnaživanje građana i građanki i civilnog društva. Po formi radi se o privatno - građanskom partnerstvu, koji dugoročno ima namjeru da postane privatno - građansko - javno partnerstvo, koje će uz saradnju sva tri sektora nuditi kvalitetne programe za mlade, unutar i izvan formalnog obrazovnog sistema u Sarajevu i Bosni i Hercegovini. CPI i DDK su opredijeljeni za proizvodnju digitalnog edukativnog sadržaja. <https://dedeka.ba/DDK-koncept/>


budžetskog ciklusa. BiH je postigla rezultat 7 od 100 poena za mogućnosti koje vlasti pružaju javnosti za učešće u budžetskom procesu. Rezultat BiH pokazuje kako je građanima pružano malo prilika da se uključe u budžetski proces, te da nisu kreirani učinkoviti mehanizmi koji bi omogućili aktivno učešće javnosti, niti su postojeći mehanizmi prepoznati od strane javnosti.

Regionalno poređenje učešća javnosti




Kada se radi o formalnim institucijama za nadzor u Bosni i Hercegovini i njihovoj jačini, ocjena za Parlamentarnu skupštinu BiH iznosi 33, te ona ima slab nadzor tokom budžetskog ciklusa, dok ocjena za Ured za reviziju institucija BiH iznosi 89, te Ured za reviziju pruža adekvatan nadzor. Parlamentarna skupština BiH i Ured za reviziju institucija BiH zajedno pružaju ograničen nadzor tokom budžetskog procesa, sa zbirnim rezultatom za nadzor od 52 poena (od ukupnih 100).

Nadzor od strane Parlamentarne skupštine BiH



Nadzor ureda za reviziju



slab: 0 - 40; ograničen: 41 - 60; adekvatan: 61 - 100

Prezentaciji su prisustvovali predstavnici Ureda za reviziju institucija BiH, Ureda koordinatora za reformu javne uprave BiH, te predstavnici organizacija civilnog društva i dr.



Punom tekstu izvještaja, uključujući preporuke i druge resurse, poput podataka specifičnih za svaku zemlju, možete pristupiti na www.openbudgetsurvey.org.

ANALIZE

Premalo, presporo i nesolidarno!

Odgovor centralne vlasti u BiH na Covid pandemiju

<https://www.cpi.ba/wp-content/uploads/2021/06/Odgovor-centralne-vlasti-BiH-na-pandemiju-Covid19.pdf>

Posljedice pandemije po ekonomski i zdravstveni sistem u Bosni i Hercegovini su velike. Odgovor vlasti u Bosni i Hercegovini bio je ograničen, sa zakašnjenjem i nedovoljno finansijski značajan, kako bi se odgovorilo na sve izazove tokom 2020. godine. Također, vlasti nisu ni pokušale da u vrijeme krize, dok poduzetnici, građani, zdravstvo, obrazovanje trpe velike posljedice, racionalizuju poslovanje i smanje troškove administrativnog aparata.

U ovoj publikaciji su prikazani rezultati istraživanja koliko je novca doznačeno vlastima u BiH u toku 2020. godine kroz donacije, gdje su navedena sredstva raspoređena ili utrošena, koji je iznos primljenih kredita od međunarodnih finansijskih organizacija preko Institucija BiH (MMF, Svjetska banka, EU i druge), koliko je donacija ostvareno od strane ambasada i međunarodnih organizacija u BiH, te koliko su donacija bolnice i klinički centri ostvarili u BiH.

Ključni ekonomski indikatori tokom 2020. godine u Bosni i Hercegovini pokazuju:

- Pad BDP-a od 4,3%
- Neto smanjenje broja radnih mjesta u FBiH za 13.990
- Neto smanjenje direktnih i indirektnih poreza u Bosni i Hercegovini u iznosu od 792 miliona KM
- Smanjenje izvoza iz Bosne i Hercegovine za 972 miliona KM, te smanjenje uvoza za 2,62 milijarde KM
- Pad industrijske proizvodnje od 6,2% na godišnjem nivou

- Povećanje neto broja penzionera u Bosni i Hercegovini za 11.780, uz povećanje godišnjih izdataka za 192,5 miliona KM

Kako bi negativni efekti pandemije Covid 19 bili što manji, Bosna i Hercegovina je primila tokom 2020. godine značajne kredite i donacije iz inostranstva, poput kredita Međunarodnog monetarnog fonda (MMF) u iznosu od 651.391.281 KM, ili kredita Svjetske banke u iznosu od 33.100.000,00 EUR. Pored navedenih kredita, nije zanemariv iznos i donacija međunarodnih organizacija i ambasada raznih vlada. Po ovom osnovu je prikupljeno 88.021.714 KM i 6.203.630 USD.

Pravilnim i pravovremenim iskorištavanjem primljenih kredita i donacija, pomoć privredi je trebala biti mnogo veća, a negativni efekti manji. Novac koji je Federacija BiH dobila kao dio kredita od Međunarodnog monetarnog fonda, trebao se iskoristiti za očuvanje radnih mjesta. Primjerice, ulaganjem cjelokupnog iznosa kredita u subvencije dijela plata i doprinosa, mogao se finansirati iznos od ukupno 800 KM po jednom radniku, gdje bi 400 KM bio iznos pomoći za dio neto plate, a 400 KM iznos ukupnih doprinosa. Izdvajanjem cjelokupnog iznosa kredita na ovaj način, moglo se, uz jasne kriterije, osigurati finansiranje za minimalno 166.666 radnika za tri mjeseca ili 83.333 radnika za šest mjeseci.

Najveći doprinos ovog dokumenta je u vrlo detaljnom prikazu odgovora centralne vlasti na pandemiju Covid 19 razloženom prema državnom, entitetskom i kantonalnom nivou vlasti, pružene podrške privredi i zdravstvu, te prikazu svih donacija, transfera i druge pomoći koje su dobili klinički centri i bolnice u Bosni i Hercegovini.

Smatramo poražavajućim da u vremenu zdravstvene krize neki od najvećih kliničkih centara nisu odgovorili na naš poziv na transparentnost prihoda i rashoda vezano za Covid krizu. Klinički centar Univerziteta u Sarajevu je odgovorio da su ti podaci poslovna tajna.

Projekat poboljšanja fiskalne i budžetske transparentnosti – Improvement of Fiscal and Budget Transparency

<https://www.cpi.ba/projekat-poboljsanja-fiskalne-i-budzetske-transparentnosti-improvement-of-fiscal-and-budget-transparency/>

Centar za zastupanje građanskih interesa (CPI) je u ime njemačkog Deutsche Gesellschaft für Internationale Zusammenarbeit (GIZ) u periodu od marta do jula 2021. provodio pilot projekt u oblasti poboljšanje fiskalne i budžetske transparentnosti i otvorenosti a u okviru Programa jačanja javnih institucija u BiH. Program jačanja javnih institucija u BiH u ime vlada Savezne Republike Njemačke i Ujedinjenog Kraljevstva provodi njemački GIZ kao dio podrške reformi javne uprave u BiH.

PUBLIKACIJE

- **Vodič za unaprjeđenje budžetske transparentnosti**
- **Analiza stanja budžetske transparentnosti**

Vodič za unaprjeđenje budžetske transparentnosti



Miroslav Tomić,
Centar za zastupanje građanskih interesa
(CPI Fondacija)



Analiza stanja budžetske transparentnosti i uključenja javnosti u budžetski proces u institucijama Bosne i Hercegovine



Miroslav Tomić,
Centar za zastupanje građanskih interesa
(CPI Fondacija)



RAD U ZAJEDNICI

Prepoznavajući problem nedovoljnog rada s lokalnim zajednicama, CPI je sa gradovima Zenica i Tuzla pokrenula projekt Centar 72 kao platformu za komunikaciju između građana i nadležnih gradskih i opštinskih službi koju je tokom 2021 moderirala i održavala.

<http://centar72.ba/zenica>

<http://centar72.ba/tuzla>

Centar za zastupanje građanskih interesa STATISTIKA PRETRAGA



Surađujem s mojim gradom



KAKO PRIJAVITI PROBLEM U GRADU?!

PRIJAVITE PROBLEM SVOM GRADU!



POPUNITE KRATKI FORMULAR



OZNAČITE MJESTO NA MAPI

POSljednji prijavljeni problemi (3623)



Odgovoreno ✓

RUPE

KRPLJENJE UDARNIH RUPA NA ULICAMA I
PUTEVIMA



Odgovoreno ✓

TITOVA ULICA

KRPLJENJE UDARNIH RUPA NA ULICAMA I
PUTEVIMA

Centar za zastupanje građanskih interesa STATISTIKA PRETRAGA



Surađujem s mojim gradom



KAKO PRIJAVITI PROBLEM U GRADU?!

PRIJAVITE PROBLEM SVOM GRADU!



POPUNITE KRATKI FORMULAR



OZNAČITE MJESTO NA MAPI

POSljednji prijavljeni problemi (2090)



U proceduri ⚙️

NASEOBINA ROMA U PARKU NA
BRČANSKOJ

ZAUZIMANJE JAVNE POVRŠINE



U proceduri ⚙️

SRUŠENA DRVEĆA NA
STUPINAMA, PARKING IZA
ZGRADA B2 I B3

OSTALI ZAHTEVI

NOVE AKTIVNOSTI KOJE PLANIRAMO:

Aktivnosti na suzbijanju problema netransparentnosti i korupcije u oblasti javnih nabavki predstavljaju bitan segment ukupnih aktivnosti koje Fondacija CPI provodi. Ove aktivnosti se provode u okviru tek započetog projekta Love me Tender koji se bavi kreiranjem multimedijalne igre o javnim nabavkama. Osnovni cilj projekta je da se doprinese borbi protiv korupcije kroz jačanje informisanosti o javnim nabavkama u BiH.

CPI je dio nove Game Changer alijanse <https://gamechangereu.org/> EU projekta i kampa te je dio koalicije 26 organizacija iz 16 zemalja. Za Game Changer planiramo da testiramo i implementirali metodologiju društveno odgovornih interaktivnih igara koje su usmjerene na promociju empatije, tolerancije, otvorenosti, građanskog angažmana a ispituju teme radikalizacije, zaštite podataka i predrasuda.

NAŠE TEMELJNE VRIJEDNOSTI:

- Kreativnost

CPI Fondacija u svom strateškom i operativnom radu uvodi nove metode i pristupe posebnu pažnju obraćajući na nove kreativne načine prezentacije rezultata svog rada široj javnosti.

- Posvećenost

Zajedničko razumijevanje misije i vizije Fondacije, kako od strane menadžmenta tako i kompletnog osoblja, a što rezultira da svi u skladu sa svojim obavezama i odgovornostima doprinose ostvarivanju misije i vizije organizacije.

- Profesionalnost

Jedna od temeljnih vrijednosti kojom se rukovodi Fondacija jest uspješna implementacija projekata u skladu sa zadatim rokovima, osiguravajući najveću razinu profesionalnih standarda i tačnost prezentiranih podataka i rezultata rada.

- Transparentnost i odgovornost

Fondacija sprovodi principe transparentnosti i odgovornosti kako u samim internim procedurama, tako i svom radu.

- Suradnja i timski rad

Posebnu pažnju fondacija pridaje investiranju u dugoročne partnere i mreže na nacionalno i internacionalnom nivou koristeći sinergiju za dalje unapređivanje naših ciljeva.

- Poticanje i osnaživanje

Jedna od glavnih vrijednostima kojima se rukovodimo jest osnaživanje građanske participacije i poticanje jačanja odgovornog javnog sektora.

- Proaktivnost

Konstantno identificiramo nove izazove, područja rada i moguća rješenja.

- Primjena inovativnih tehnologija

U našem radu osiguravamo konstantno praćenje i usvajanje inovativnih tehnologija u obradi i prezentiranju podataka.

- Prilagodljivost

Odvajamo dio resursa za eksperimentiranje sa novim područjima i tehnologijama za koje u ovom trenutku ne znamo ili se tek pojavljuju. Npr. Internet of Things kao alat za optimizaciju i kontrolu javne potrošnje, kreiranje medijskih sadržaja i multimedijalnih igara.